

COR. nulla.

*Nectarium* germen cingens, membranaceum, margine stamina gerens, integrum, nec plicatum, nec inter stamina altius.

STAM. *Filamenta* quinque, inserta membranæ nectarii, patula, calyce breviora. *Antheræ* subrotundæ.

PIST. *Germen* subrotundum, obtusum, compressum. *Stylus* filiformis, apice bifidus, staminum longitudine. *Stigmata* simplicia, crassiuscula.

PER. *Capsula* oblonga, compressa, calyce duplo triplove longior, unilocularis, versus basin horizontaliter dehiscens.

SEM. unicum, oblongum, compressum, glabrum, nitidum, involutum arillo spongioso, albo, versus solem micis argenteis splendido.

Ideoque a *Celosia* semine unico, capsulaque magna, & ab *Achyranthe* feminis arillo differt.

1. *Celosioides frutescens scandens.*

## HEXANDRIA.

HERMUPOA fl. coccineo. Mattique eique.

CAL. *Perianthium* duplex: *Exterius* monophyllum, tubulatum, longum, integrum, apice disruptum 3 dentibus; *Inferius* longius, dehiscens, coloratum, deciduum; *Interius* minimum, tetraphyllum: foliolis subquadrangulatis, truncatis, ad interstitia petalorum deciduum.

COR. *Petala* quatuor, erecta, linearia, convexa, calyce exteriori leviter longiora, obtuse acuminata.

STAM. *Filamenta* sex, longissima, subulata. *Antheræ* oblongæ, planæ, curvæ.

PIST. *Germen* subulatum, parvum. *Stylus* filiformis, staminibus paulo brevior. *Stigma* parvum, globosum, capitatum.

PER. *Bacca* maxima, teres, oblongo-cylindracea, superficie hinc inde crassiore.

SEM. plurima subrotunda, nidulantia.

Affinitate naturali jungitur *Breynea*, reliquisque, hinc dixi calycem interiori, quod alii dicerent nectarium.